

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima za uplatu doprinosa za PIO/MIO u svrhu penzionisanja zaposlenika“, („Službene novine Federacije BiH", broj 34/17), Federalno ministarstvo energije, rudarstva i industrije o b j a v l j u j e

**PONOVLJENI JAVNI POZIV  
ZA KANDIDOVANJE PROGRAMA UTROŠKA PREOSTALOG DIJELA  
SREDSTAVA UTVRĐENIH U RAZDJELU 17. BUDŽETA FEDERACIJE BOSNE I  
HERCEGOVINE ZA 2017. GODINU FEDERALNOM MINISTARSTVU ENERGIJE,  
RUDARSTVA I INDUSTRIJE „TEKUĆI TRANSFERI I DRUGI TEKUĆI RASHODI –  
SUBVENCije JAVNIM PREDUZEĆIMA ZA UPLATU DOPRINOSA ZA PIO/MIO  
U SVRHU PENZIONISANJA ZAPOSLENIKA“**

**I. PREDMET POZIVA**

Predmet ponovljenog javnog poziva je prikupljanje zahtjeva za odabir korisnika preostalog dijela grant sredstava, u skladu sa Programom utroška dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima za uplatu doprinosa za PIO/MIO u svrhu penzionisanja zaposlenika“ (u daljem tekstu: Program), („Službene novine Federacije BiH", broj 34 /17).

**II. PRAVO UČEŠĆA**

Pravo učešća na ponovljenom javnom pozivu imaju javna preduzeća sa sjedištem u Federaciji Bosne i Hercegovine, preduzeća sa većinskim učešćem državnog kapitala (preduzeća u čijem osnovnom kapitalu je državni kapital zastupljen sa više od 50 % ukupnog kapitala, kao i njihovih zavisnih društava) čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Građevinska industrija,
- Drvna, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija.

te da zapošljavaju najmanje 50 zaposlenika i da nisu bili korisnici grant sredstava po prethodnom javnom pozivu.

**III. SVRHA POZAJMLJIVANJA SREDSTAVA**

Dodjela preostalog dijela grant sredstava se vrši za izmirenje dugovanja preduzeća za neuplaćene doprinose samo po osnovu obaveza za PIO/MIO, zaposlenicima koji

ostvaruju uslove za penzionisanje do kraja 2017. godine, a istima nije uplaćen radni staž.

Dodjela grant sredstava vrši se u cilju rješavanja socijalnog statusa zaposlenika, kroz penzionisanje.

#### **IV. KRITERIJI ZA IZBOR KORISNIKA**

Korisnici preostalog dijela grant sredstava po ponovljenom javnom pozivu mogu biti javna preduzeća sa sjedištem u Federaciji Bosne i Hercegovine čija je primarna djelatnost definisana djelatnostima proizvodnje u sektorima navedenim u tački 2. ovoga Javnog poziva, te da zapošljavaju najmanje 50 zaposlenika.

Pri izboru korisnika preostalog dijela grant sredstava uzeti će se u obzir sljedeći kriteriji:

1. Broj zaposlenih koji će ponovljenim javnim pozivom i Programom biti penzionisani;
2. Broj zaposlenih u javnom preduzeću;
3. Teritorijalna zastupljenost – ravnomjerna zastupljenosti korisnika s cijelom područja Federacije Bosne i Hercegovine, odnosno kantona.

Napomena:

- prilikom formiranja liste sa imenima zaposlenika iz istog preduzeća, a koji ostvaruju pravo po ovom Javnom pozivu i Programu, prednost će imati zaposlenik sa ranijim datumom sticanja prava na penziju.

#### **V. SREDSTVA PREDVIĐENA ZA POZAJMLJIVANJE**

Sredstva za provođenje ponovljenog javnog poziva i Programa utvrđena su u razdjelu 17., ekonomski kod 614 Budžeta Federacije Bosne i Hercegovine za 2017. godinu.

Navedena sredstva su grant sredstva Federalnog ministarstva energije rudarstva i industrije (u daljem tekstu: Ministarstvo) i dodjeljivati će se po raspisanom ponovljenom javnom pozivu.

Budžetom Federacije Bosne i Hercegovine u 2017. godini, Federalnom ministarstvu energije, rudarstva i industrije, u Razdjelu 17. „Tekući transferi i drugi tekući rashodi - Subvencije javnim preduzećima“ obezbijeđeno je ukupno sredstava u iznosu od 1.500.000,00 KM. Obzirom da su po prvom javnom pozivu Odlukom o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi-subvencije javnim preduzećima za uplatu doprinosa za PIO/MIO u svrhu penzionisanja zaposlenika („Službene novine Federacije BiH, broj 58/17), dodijeljenja sredstva u iznosu od 893.533,99 KM, to je ponovljenim javnim pozivom predviđena raspodjela sredstava u iznosu od 606.466,01 KM.

Javna preduzeća po ponovljenom javnom pozivu i Programu mogu ostvariti pravo na dodjelu sredstava samo po jednom podnesenom zahtjevu.

## **VI. TRAJANJE PROGRAMA**

Program traje do utroška sredstava a ponovljeni javni poziv će biti otvoren 15 dana od dana zadnje objave.

## **VII. PROVOĐENJE PROGRAMA**

Zahtjev za prijavu na ponovljeni javni poziv, potencijalni korisnici preostalog dijela grant sredstava trebaju dostaviti uz sljedeću dokumentaciju:

- Spisak zaposlenika koji su ostvarili uslove za odlazak u penziju isključivo usaglašen sa podacima iz Federalnog zavoda PIO/MIO sa datumom sticanja tog prava (najkasnije do 31.12. 2017. godine) i iznosom duga samo po osnovu doprinosa za PIO/MIO, ovjeren i potpisan od strane nadležnog lica preduzeća i Federalnog zavoda PIO/MIO,
- Rješenje o registraciji sa svim izmjenama i dopunama,
- Aktuelni izvod iz sudskog registra (ne stariji od 30 dana),
- Statut i odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 50 zaposlenika),
- izjavu sačinjenu i potpisanu od strane odgovornog lica preduzeća, ovjerenu od nadležnog organa, kojom se preduzeće obavezuje da će po odobrenju grant sredstava izvršiti uplatu zaostalih sredstava po osnovu ostalih doprinosa i to za zaposlenike za koje se traže grant sredstva,
- Ostala dokumentacija u skladu sa zahtjevima Ministarstva, kao i dokumenti za koje klijent smatra da su interesantni.

Napomena: Zahtjev za dodjelu preostalog dijela grant sredstava može se preuzeti na web stranici Ministarstva ([www.fmeri.gov.ba](http://www.fmeri.gov.ba)).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

## **VIII. PRIPREMA**

Pismeni zahtjev za dodjelu preostalog dijela grant sredstava sa potrebnom dokumentacijom po ponovljenom Javnom pozivu, uvezan i poredan po tačkama ponovljenog Javnog poziva, podnosi se Ministarstvu na memorandumu društva, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija;

Drvena, papirna i grafička industrija; Proizvodnja tekstila, kože i obuće; Hemijska industrija i industrije gume i plastike).

Zahtjevi za dodjelu preostalog dijela grant sredstava sa odgovarajućim priložima i dokumentacijom iz poglavlja VII. ponovljenog javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po ponovljenom javnom pozivu za kandidovanje Programa utroška preostalog dijela sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima i za uplatu doprinosa za PIO/MIO u svrhu penzionisanja zaposlenika“.

Na poleđini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obaviješteno u pisanoj formi. Izmjena ili povlačenje zahtjeva mora biti izvršena u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluke o izboru korisnika preostalog dijela grant sredstava se objavljuju u „Službenim novinama Federacije BiH“. i na službenoj web stranici Ministarstva.

Ovaj poziv ostaje otvoren petnaest (15) dana od dana posljednjeg javnog objavljivanja, a objaviti će se u “Službenim novinama Federacije BiH” i dnevnim novinama “Dnevni avaz” i “Večernji list”.

Nepotpune i neblagovremene prijave neće biti uzete u razmatranje.

Detalji vezani za podnošenje zahtjeva, osim u ponovljenom javnom pozivu, mogu se vidjeti i u Programu, objavljenom u „Službenim novinama Federacije BiH“, broj 34 /17, kao i na službenoj internet stranici Federalnog ministarstva energije, rudarstva i industrije: [www.fmeri.gov.ba](http://www.fmeri.gov.ba)